

# Aaf d'Letzt no...

## ...um a Fümfal a Durchanand.

### Wiar oda was?

Wejche Haar had da Schimme?	Rosshaar
Was brennt heller als a Lampn?	Zwoa Lampn
Wejcha Gockl kraht ned?	Da Wassahahn
Wejcha Fisch is am kürzesten?	Dea, dea an Schwanz am nachstn beim Kopf had.
Wia kimmt da Fisch ausm Wassa?	Nass
Wia kimmt a Semme nach Amerika?	Oidbacha

### Was is des?

Es fliagt in da Luft, had zwoa Haxn und is schwoaz?	A Kroua
Es fliagt in da Luft, had via Haxn und is schwoaz?	Zwoa Kroua
Es fliagt in da Luft, had sechs Haxn und is schwoaz?	A Fliagn
Wea heart oiss, aba sagt nix?	As Ohr
Was is des Gegenteil von Reformhaus?	Reh hinterm Haus
Weah ad Fedan aba koane Flügl?	As Kopfkissn
Wea vadeant sei Gejd ohne oan Dag zum Oarbatn?	Da Nachtwächta
Warum dringan d' Mäus koan Alkohol?	Weis Angst voarm Kater habm

### *Boarische Gelassenheit:*

Es is soweit, wenn's soweit is.

Wia's kimmt, so kimmt's.

Es is wia's is.

Ein Preuße frägt am Bahnhof ungeduldig einen Bayern:  
„Na, wann kommt denn nun endlich der Zug?“  
Darauf der Bayer: „Dea weard scho kemma. A's Gleis is ja scho da.“

Wenn'st dazugkehrst, kehrst dazua.

Man muaß as Beste hoffa, a's Schlechte kimmt vo sejwa.

Wea woaß fia was dass's quad is.

## ***Ja möchst den sowas glaubm?***

A oidgedienta Mesner is gstorbm. Wia ea noch da Beerdigung so zu sich kimmt, merkt a, dass a in da Höll glandt is. „Ja des kann doch ned saa,“ denkt a se. „Meina Lebtag war i a kreizbraver und anständiger, gottesfürchtiger Mo. Und ejtz kaam i da in d’Höll!“ Gleilaaft ea zum Feirign und beschwert se üba a so a grobe Ungerechtigkeit.

Da Sparifankerl moant zwar, dass oiss scho sei Richtigkeit habm wird, weil’s vo da Obrigkeit ja so aufgschriebm is. Wenn aba da Mesna moanat, dass da was foisch glaffa waar, na soi a doch naufgeh ins himmlische Reich und nachfragn.

Kurz draaf steht da Mesna vor der Himmelspforte und bringt sei Beschwerde an höchster Stelle vor: „Meina Lebtag war i a kreizbraver, anständiger und gottesfürchtiger Mo und ejtz kaam i do in d’Höll! Da kann doch was ned stimma!“ Da Petrus übalegt a wengl und fragtn dann: „Was warst na du aaf da Wejd von Beruf?“

„Ja a Mesner, Eure Hochheiligkeit!“

Drauf moant da Petrus: „Ja, na stimmt’ scho a so wia’s is. Mia hamma da herobm koane Pfarrer, na braucht ma aa koane Mesner.“

